

Mathias Zogg
Es fröhlichs Fäscht

f, f, B-Dur) (2-st. Jodel)

Mir mache hüt e grosses Fäscht by
üs im Fürschteland. Do chöme vili
Jodellüt im schöne Trachtegwand.
S'wird gjödelet und gsunge, e Jutz
ghört au derzue, derzue, wenn mir
so rächt am Fäschte sind, gits erscht
am Morge Rueh, gits erscht am
Morge Rueh.

Lueg s'Alpehorn und s'Fahnetuech,
die sind doch au derby, es söll bi
üsem schöne Fäscht nid nume
gjodlet sy. S'wird blose und s'wird
gfähnlet, das ghört gwüss au derzue,
wenn mir so rächt am Fäschte sind,
gits erscht am Morge Rueh, gits
erscht am Morge Rueh.

Mir pfläget üse schöne Bruch mit
Freud und frohem Muet, das gfallt
gwüss allne Jodlerfründe immer wie-
der guet. S'wird gjödelet und gsunge,
e Jutz ghört au derzue wenn mir so
rächt am Fäschte sind, gits erscht am
Morge Rueh, gits erscht am Morge
Rueh.